

# Mercato – Rwanda: Salomon Bindjeme yatandukanye na APR FC nyuma y'Amezi 6

February 6, 2024

***Salomon Bindjeme Banga wakinaga nka Myugariro wo mu mutima w'Ubwugarizi mu Ikiye y'Ingabo z'u Rwanda, APR FC, yatandukanye nayo yerekeza mu ikipe ya Al-Shorta SC yo muri Irake.***

Ku Myaka 28 y'amavuko, Bindjeme yari yageze muri APR FC muri Nyakanga y'i 2023, avuye mu ikipe ya Al Hilal yo muri Sudani.

N'ubwo yari ari umwe mu bakinnyi bitezwe, ntabwo yahiriwe muri APR FC, kuko atigeze arebwa ijisho ryiza n'Umutoza Thierry Froger.

Ibinyujije ku rukuta rwayo rw'Urubuga nkoranyambaga rwa X, APR FC yasezeye kuri uyu mukinnyi ukomoka muri Kameroni, imwifuriza Ishya n'Ihirwe mu Ikiye nshya.

*Farewell and best wishes to Salomon Banga Bindjeme as he embarks on his new journey with Al-Shorta SC in Iraq. Thank you for your contributions to APR FC, and may your time with your new club be filled with success and fulfillment on the field* [pic.twitter.com/SdZOSKUnEx](https://pic.twitter.com/SdZOSKUnEx)

– APR F.C. Official (@aprffcofficial) [February 6, 2024](#)

Mu gihe APR FC iri gukina imikino yo kwishyura ya Shampiyona y'u Rwanda, ndetse n'irushanwa ry'igikombe cy'Amahoro, Bindjeme abaye umukinnyi wa kabiri utandukanye n'iyi kipe, nyuma ya Innocent Nshuti werekeje mu ikipe ya Knoxville FC yo muri Leta zunze ubumwe z'Amerika.

